



浙江圖書館

通
已
直
解
卷
之
四



浙 江 圖 書 館

浙
江
圖
書
館

浙
江
圖
書
館

通紀直解卷之四

成祖朝盡建文節名臣二

三尚書

鐵鉉色目人兵部尚書○陳迪宣城縣人禮部尚書○暴昭潞州人刑部尚書

鐵鉉以山東督餉叅政叅贊軍務與高巍同盟

協守濟南以須後援燕兵圍城環攻不下公督

衆悉力捍禦陞公左轄復德州諸群縣擢兵部

尚書靖難兵攻東昌公與盛庸督戰大敗之斬

鐵鉉色目人



其大將張玉緣是 燕王憾公不置及踐祚公

被縛入見正言不屈反背立令其面顧不肯去

其耳鼻亦不顧碎分其體至死罵不絕口

先是李景隆南奔巍及鉉隨之次臨邑諸城

堡皆望風奔潰時方端午巍及鉉酌酒同誓

協力固守濟南以湏後援相與慷慨涕泣以

死目誓遂濟南募兵并收集潰亡士卒以守

時 燕王聞李景隆南走令諸將乘勝追之

倍道而進是月庚辰詰旦至濟南時景隆衆

尚十餘萬倉卒出戰布陣未定 燕王帥精

騎馳擊之景隆復大敗單騎走于是圍城環

攻甚急鉉督衆悉力捍禦燕兵不能下陞鉉

山東布政使北兵圍濟南三月餘百計攻之

城中隨機應變敵莫能入北兵壅水以灌其

燕王被圍幾斃
鐵手

城中隨機應變敵莫能入北兵壅水以灌其
城鉉乃設令軍民出降燕王大喜止灌之
令鉉陰伏勇士開門候○燕王入用教板下之
幾中計燕王大怒乃以礮擊城將破鉉書
高皇帝神牌懸城上師不敢擊鉉每出其
不意募壯士突擊北兵大敗燕計無所出姚
廣孳謂王曰師老矣于是撤回還北平鉉遂
與盛庸等復德州諸郡縣兵勢大振陞公兵
部尚書聞燕兵將至推牛宴犒將士誓師勵
衆簡閱精銳背城而陣列火器藥弩以待
燕王謂諸將曰此易與耳自持屢勝見盛庸
旗纔往卽鼓譟而前盡爲火器所傷俄平安
兵至與庸軍合于是庸麾兵大戰斬其都指
揮張玉于陣騎兵往往棄甲降者庸軍圍
燕王數重朱能周長率胡騎奮擊其東北角
于是西南抽兵漸薄王躍馬突出得免庸

軍擒斬萬餘人燕師大敗遂奔庸追之後擊
殺者無筭成祖正位縛公入見背立不回
顧罵不住口令去
耳鼻碎分其體

陳迪縛至陛前慢罵不屈與子鳳山等同日就
戮臨刑罵不絕口命割鳳山鼻舌熬熟畀迪食
之迪唾之益指斥遂俱凌遲而死

迪宣城人禮部尚書成祖命使
擒至父子痛罵不屈俱加極刑死

暴昭初以左都御史採訪北平具得燕藩事情
密封以聞燕王深憾之昭開設平燕布政使

司親掌其事運糧餉修戰具贊畫居多 成祖

即位被執抗罵不屈 上大怒先去齒次斷手

足罵聲不絕斷頭乃死

昭潞州人刑部尚書初公以左都御史採訪北平燕王假病實暗募壯士練精兵密封以聞請預為之備上甚恨之至是不屈罵不絕口加極刑死

盧原質

字希魯寧海人母係方孝孺姑公與孝孺為兄弟戊辰進士第三人

公以翰林編修陞太常少卿事建文累有建白

靖難後召見挺立唾罵不屈被戮并族其家子

第二十餘人

公建白防禦燕王疏凡數十成祖得其疏
欲重用之召之至又慢罵斥叱上大怒戮
之并族一門子弟

黃觀

字瀾伯貴池人洪武庚午年鄉會廷試皆第
一從母姓黃官翰林歷官禮部侍郎建文改
侍中次尚書與方齊黃並見親用籌畫有方
四年公奉詔徵兵上游聞京城已定痛哭曰
大事去矣
赴溪而死

公奉詔徵兵并督諸郡入授奮不顧家且行且

自生至
死無一
毫規避

公奉詔徵兵并督諸郡入授奮不顧家且行且募兵至安慶聞京城已定痛哭曰大事去矣不可復爲矣吾妻翁氏素有志節必不受辱遂招魂葬之江上明日家人奔自京言或傳許尚寶赴上游起兵矣因執其妻并二女配象奴不從而死公兵至報者曰新皇帝卽位三日矣遂投羅刹溪舟人救之不得

公兵至李陽河間者報曰上已出奔新皇帝卽位已三日矣公復大哭朝服東向再拜自

投羅刈溪湍流之中舟人急鉤之僅得蛛絲
棕帽後追補者持之以獻詔籍其家逮及姻
黨流配之

景清

公陝西真寧人倜儻尚大節洪武癸酉鄉薦
游國學同舍生有秘書借閱弗與固請期明
旦卽還生不得已假之明旦來索清曰未常
假也生忿訟之祭酒清卽持所假書見曰此
清燈窓業耳誦終誦終卷及問生無以對祭
酒以書歸清清出以書還生曰吾以子珍秘
太甚相戲耳時
諸生傳以爲笑

景清以進士廷試第二授編修改監察御史署

景清以進士廷試第二授編修改監察御史署

都察院左僉都御史改御史大夫 文皇即位

景公懷
豫讓之

忠者

方孺練子寧等同日死而清獨委蛇侍朝入

疑之一日清衣緋入朝是日舉朝無緋衣者命

收之搜得所帶劔因加詰責清不屈死之死之

夕精英迭見久乃滅



初欽天監星者奏文曲犯帝座甚急人固疑

清至是見 文皇自有天命而清亦天宿儲

精所以遂能動天也 清初赴鄉舉過淳化主

人有女為妖所憑清寓其家是夜妖不來清

去妖復來女詰之曰避景秀才耳旦日女告

其父清已去其父追及語之故清乃書景清

在此四字拈于
戶妖自是遂絕

戴德彛

公奉化人洪武二十七年進士第三人
授翰林編修三十年與張信並陞侍讀

建文朝改左拾遺直聲振于朝改監察御史靖
難兵起與方孝孺黃子澄畫兵事文皇卽位

不屈死

德彛指斥文皇拒使者使者擒至
面唾罵文皇大怒遂牽出誅之

仁宗昭皇帝

帝諱高熾 成祖第一子初封為燕世子永樂三年立為皇太子時居東宮日與楊士奇講論經書專意文字手不釋卷出入起居誠敬存謹廟號仁宗

上為皇太子監國幾為讒慝所構賴文考仁明脫險即夷梓宮在殯服不易素元旦設樂不作庶幾踵達孝之芳躅矣大行仙訃三日即首釋原吉於獄慰勞之咨以國事君臣相與媿古泰交而從善轉圜改過不吝

永樂二十年阿魯台寇典和文皇親征仁宗時為太子監國早朝罷召蹇義楊士奇

論曰監國云云吾三人共之賴皇考仁明
得遂保今義等曰今已脫險卽夷皆陛下誠
孝所致蓋上爲皇太子內侍黃儼等數遣
詭言共譖于上也文考崩呂震請上已
踰二十七日宜釋衰服烏紗冠素服黑帶臨
朝上曰梓宮在殯豈忍遽易正月朔呂震
請上受賀作樂楊士奇楊榮王淮金幼孜
等諫諍不可上遂命禮部設樂不作庶幾
效武王周公達孝之風第三日首釋夏原吉
于獄卽令出視咨以時政上批疏君臣之
間不啻父子骨肉魚水未足以喻之
漢書云從善如轉圜尚書改過不吝

誘盡言則圖書有錫獎忠告則鈔幣有賚公取
士則南北兼收求實才則嚴保舉之法重耳目

則任老成之才方奸萌則令執例覆奏察吏治

士則南北兼收求實才則嚴保舉之法重耳目
則任老成之才防奸萌則令執例覆奏察吏治
則書監司姓名敬天變則頌祥異之賦重屯種
則禁妨農之差感風寒則憫將士之苦念舊勞
則命歲時致祭決重獄則恐刑及無辜贊軍謀
則取方面叅幄而免貴燮免貴煊苟罹于法雖
親不宥

上賜蹇義楊榮楊士奇金幼孜銀圖書各一
仍諭曰卿等須協心贊輔有言須用此印密
奏又諭曰昨朝會如從震所請今悔何及幸
賴卿等同心免此悔自今宜直言毋以不從

爲慮遂各賜鈔幣○上諭禮部曰科舉之士
須南北兼收南人雖善文詞而北人厚重自
今取士南人六分北取四分○上諭內外文
臣曰比年數下詔舉賢而奉行者多有徇私
滅公自今必嚴保舉連坐之法庶乎得實才
○上諭蹇義曰御史朝廷耳目之官惟老成
識治體者可任○執例覆奏令中官傳旨並
宜執例覆奏庶杜奸萌○察吏治上諭蹇
義曰府部之臣朕朝夕接見得詢察其賢否
若都布按三司官朕不能盡知爾等具姓名
履歷于西序俾得看覽而黜陟焉○敬天
上得天元玉曆曰朕少侍太祖每教以慎修
敬天朕未嘗敢怠此書言簡理當輔臣亦宜
知之○重屯種上諭夏原吉曰先帝立屯
種法用心甚至迨後所司以征徭擾之自今
屯田軍士不許擅差致妨農務○感風寒

三代之
君政治

上御西角門視朝風寒顧侍臣曰今日始寒
朕與卿等居重城猶凜凜守邊將士又何
如遂勅使賜鈔幣○念舊勞贈故宮僚邵濟
徐善述並太子少保濟謚文歛善述謚文肅
命有司立祠墓側歲致祭焉○恐刑及無辜
大理寺奏決重囚上曰人命至重卿等理
刑勿使無辜舍寬地下○贊軍謀上以武
臣疎于文墨乃選方面官于各總兵官處參
謀軍務督理邊儲免安遠王貴燮已東王貴
喧為庶人以前嘗誣告其父謀不軌故除其
封爵也

他如建弘文之閣黜誹謗之刑赦建文之黨禁
自宮之徒罷給馬之請嚴歲貢之考試杜監生

不少尚

之僥倖斥周訥之猷諛容戈謙之沽名獎權謹
之盡孝褒劉儁之捐驅釋仲威之往咎封克忠
之忠勤善政班班史冊

建弘文者建弘文閣于思善堂作文章命楊
溥掌管○黜誹謗上諭三法司者往者法
司尚羅織為功能有片言涉國事輒論誹謗
○赦建文黨御札付禮部曰建文中好臣其
正犯已戮家屬初發教坊司院衣局及功臣
家為奴者悉宥為民○禁自宮割勢也
諭刑書金純曰自宮以求用者惟畷一身富
貴而絕其祖宗父母今後有自宮者必不貸
○罷給馬兵書李慶請給朝覲官各乘馬一
匹其孳息償官楊士奇曰我朝廷任官而使

養馬責課與民同非貴人賤畜意上命罷

養馬責課與民同非貴人賤畜意上命罷
之○嚴歲貢上曰守令匪人繇學較失教
歲貢中有不通道理者豈可授之以官自今
當嚴選用○杜僥倖時監生願就六科辨事
于位者勿徒懷僥倖之心○斥獻諛太常少
卿周訥文廟時常請封禪不許至是起復來
朝上曰諛佞之人不可以玷朝班黜交趾
知府○容沽名御史劾謙賣直活名帝令免
朝參自是言者遂少上曰朕一時不能容
戈謙臣下皆以為言諱因令謙朝叅如初諭
群臣直言○獎盡孝光祿署丞權謹居家事
母至孝上開之曰能孝者必忠命超陞文
華太學士○褒劉儁上謂呂震曰往年劉
儁從征交趾不屈而死朕思婦人盡節尚旌
况大臣捐軀可無褒恤其贈俊為太子少傅

減字之
令民受
患無窮
矣

謚節愍○釋仲成初 上捕治前御史舒仲
成士奇奏曰向來得罪者陛下即位皆宥之
今追治仲成詔書不信 上隨命罷之○封
克患吳克忠韃靼人同父允誠永樂中率眾
歸附忠勤于國部將脇其叛亦不叛加襲封
恭順忠獎其一心向中國以昭帝美政節節
可以光耀
史冊中

而賦棗減半夏稅減半秋糧減半一切征徭樽
節一切官買物料停罷濟民窮如救焚拯溺民
有災傷有司不蚤奏賑恤者處以重罪草澤水
利與民共之無非仁政也雖時勉汝敬之獄出

於非辜而以
帝之懇
求言終不可
以一青

利與民共之無非仁政也雖時勉汝敬之獄出

於非辜而以 帝之懇 悃求言終不可以一青
掩其大德夫何享祚未期帝星告殞 帝亦自
知天命之已定矣

蹇義夏原吉奏事未退 上望見士奇謂二
人曰新華蓋來必有說試聽之士奇言恩詔
甫下兩日折薪司傳旨賦棗八十萬民何以
堪 上即命減其半○減稅糧詔免山東等
州縣夏稅秋糧之半○征徭樽節 上諭戶
部尚書曰比來州郡奏除荒田租得非百姓
苦于征徭與自今一切征徭務須樽節○濟
民窮 上聞南來者云惟徐山東民多乏食
上召士奇草詔免稅士奇曰此事亦可令
戶工二部與聞姑徐之 上曰濟民窮云云

○奏災傷 上諭夏原吉曰自今原災之處
令有司蚤奏賑有稽遲者處重罪○水利
上常遣人視海邊至西湖禁民不得取魚而
並緣為奸者并芴近之草灌田之水皆不得
取至是悉罷之○時勉非辜翰林侍講李時
勉羅汝敬論時政違節俱下獄此 帝之失
處而大德自著雖 帝踐祚不及一年而御
座星墜 帝之命數應于天矣時 帝問士
奇等皆以不知對
面 帝自知矣

宣宗章皇帝

御諱贍基仁宗第一子也永樂九年立為皇
太孫仁宗即位為皇太子仁宗崩即位按玉
牒上謚曰憲天崇道英明神聖欽文
昭武寬仁純孝章皇帝廟號宣宗

帝嗣承大業未幾而有高煦之謀苟稍涉猶豫
不決親征天下事未可知矣幸而楊夏首勸宸
斷奮決機不崇朝而兵不血刃克清大憝宗社
無恙然後與二三元老更相警飭兩無猜嫌共
期始終而萬幾稍暇不廢書冊謹守祖訓祇奉
成規事有疑碍奏請者必命考舊典未常作聰

明亂舊章

帝踐祚初漢王高煦反遣親信人枚青入京
約張輔爲內應輔繫之以聞但事起倉卒人

心洵洵而煦又素號勇悍諸將所畏倘
一遲疑事未可料矣幸楊榮夏原吉力勸
上振作親征如迅雷不及掩耳以清元惡宗
社得安上召輔臣諭曰古者君臣同心同
德庶幾更相警飭兩無猜疑又曰爾等祇事
皇祖皇考二十餘年始終一致今侍朕尙期
永永無斃朕在宮中萬幾稍有空時雖寒暑
不廢書冊又曰太祖祖訓一編子孫但能
謹守豈有過舉凡大事敬依祖宗成案有疑
碍煩臣下奏請者必稽考太祖舊典有無
若何調停處置不得率私意也且曰世之作
聰明亂舊章者輒致敗亡前者齊泰黃子澄
之事可鑒也

勵精堂皇恐墜厥緒問戶口數而鏡歷代之盛

衰登萬壽山而監元都之興滅夢卜思殷宗恭

勵精堂皇恐墜厥緒問戶口數而鏡歷代之盛

衰登萬壽山而監元都之興減夢卜思殷宗恭

儉倣漢文每食每衣念及民瘼施惠先行乞之

春和下寬恤之令而賑濟民艱不待覆勘灾

傷免稅糧官田減租額織造減半征

上振勵精神于殿陛恐祖宗所創日我而有
夫嘗曰戶口之盛本于休養生息衰必有土
木兵戈漢武隋煬皆足為後世大戒上一
日登萬壽山坐廣寒殿命儒臣同覽畿內山
川形勢曰此元之故都也世祖信任儒術愛
養民力故能混一區宇順帝荒淫怠政天下
為我祖宗所有上嘗曰商高宗渴想賢輔而
傳說築傳巖一旦得于夢寐誠竒逢也漢文

服御幃帳無文綉史稱其恭儉朕欲倣之每
食思下民之飢每衣思下民之寒未常一日
忘民困苦諭順天府尹京師頗有殘疾無依
倚者行乞于市命入養濟院諭部院今春氣
已和農事可興特頒寬恤之令其速行之時
有山東青州府民艱食戶部請糧賑濟數請
覆勘後給上曰民饑無食若待覆勘豈不
饑死諭士竒曰吾欲下寬恤之令免災傷稅
糧當是首專士竒對曰各處官田起科不一
而租額皆重當與除減自是工部奏蘇杭織
造者上曰百姓
艱難可減半造

苟妨吾民不以灌城狗親藩苟利吾民無以園
蔬費百姓而又揭邠風于殿壁躬執耒於二推

因日食以圖修省辟左道以正人心不增監司

因日食以圖修省辟左道以正人心不增監司
以遵定制免賀騶虞以副禎應不勤遠略以飭
邊防不尚虛文以求忠鯁以當顯庸

上以書與寧王權曰灌城之田鄉民所賴以
足衣食揆田之論不能曲從○上諭部臣
曰內用蔬菜幾何而取予民若此可三分減
二大禹惡衣菲食朕安可以園蔬重費百姓
○上得元所繪郊風圖以示諸臣曰豳詩
周公所陳王業之自以告成王使知稼穡艱
難朕欲揭干便殿之壁便朝夕儆勵○
謁獻陵還道見耕者因取其未三推嘆曰朕
三舉耒已不勝勞况常事此乎八月己巳朔
日當食陰雨不見胡濙請賀上曰朕惟圖

修省以答天意勿賀○有僧自陳欲化緣修
寺以祝聖壽者上斥之因謂侍臣曰入情
莫不欲壽古之人君若商高宗周文王其時
豈有僧道此輩欲倡左道以惑人心而已○
不增監司胡槩奏增布政司官一員以總稅
糧上曰稅糧征歛輸送已有定制朕方裁
抑冗員豈得復設○不親奄宦上諭六科
曰爾官近侍凡朕一言一令命內使傳出者
爾當覆奏再得旨而後可行庶幾關防欺蔽
者○襄城伯李隆獻騶虞二胡濙請賀上
曰禎祥之興必有實德庶幾副之朕惟與卿
共勉若騶虞其免賀○不勤遠畧上曰古
者馭夷來不拒去不追况虜多詐未可輕忽
惟當整飭部伍謹慎邊防耳○上謂儒臣
曰朕于取士不尚虛文若有忠鯁之士朕當
顯榮之

貪濁黜而憲臺清矣三法行而才俊效矣重學

袞鉞黜
陟撫安
懷來俱
三代以
上作爲

貪濁黜而憲臺清矣三法行而才俊效矣重學
較選師儒而教養預矣歌招隱操猗蘭而芻求
切矣廉顧佐貪劉觀而黜陟嚴矣程別殿晁而
守令奮矣敦用平恕而含冤洗矣優禮蹇楊而
大臣敬矣保全趙王而宗盟篤矣監司坐贓遇
赦不貸而廉恥勵矣調軍守衛隨地遠近而人
情便矣廣置武學而竒異別矣容居阮世寧而
遠人服矣從請舉廢祀而先賢崇矣命官察工

匠分豁戶丁之半而怨咨釋矣車駕巡邊閱武者四芟外夷如摧枯拉朽而威嚴著矣

都院顧佐邵玘盡黜貪污憲臺爲之一清○
三法謂超遷久任不拘至品○上問楊溥
曰何術可盡得人對曰嚴薦舉清考課上
曰此非探本之論今當重學較選師儒以責
成之○上下詔求賢復出御製猗蘭操及
四言招隱詩賜大臣以示苟求之意○黜陟
嚴上問今日貪者孰甚楊榮對曰莫甚劉
觀又問今誰可使掌憲者士竒對曰通政使
顧佐廉功有威可任遂陞佐右都御史發觀
戍遼東○上諭侍臣曰郡縣守令所使安
民者若賢否混淆無所激勸吏部未聞程別
何也因降勅申諭○飭法司上謂法司曰

朕體祖宗之心敬慎刑獄莫不枉民命爾等

朕體祖宗之心敬慎刑獄莫不枉民命爾等當體此心務存平恕○大臣敬上謂羣臣曰今蹇義士竒原吉楊榮皆先帝簡畀以遺朕者而年俱高令兼有司務非所以禮之也于是賜勅諭義等輟所務惟以備顧問○保全趙王上諭士竒曰言者論趙王益多如何對曰今日宗室惟趙王是親當思保全帝曰然○廉恥勵時參議王和等坐贓罪遇赦吏部奏擬還職上曰士大夫當勵恥此輩貪污法豈容貸○人情便上諭李度曰比聞陝西軍調京操備山西軍調陝西備禦甚是勞費若令陝西就彼備禦河南山西來京操備則人情得兩便○置武學上諭兵部曰祖宗時置武學以武經七書俾習騎射當襲職時嚴加比試試可乃授爾其申明之果有竒才異能者宜甄別之○遠人服勅廣西

德行忠
義文學
俱表彰
矣

總兵曰阮世寧避難來歸聽隨便居住無失
遠人來歸之心○先賢崇胡槩奏舊有陸贄
范仲淹祠胡瑗魏了翁書院今皆頽毀欲加
修整上曰崇祀先賢蓋以表勵後進宜從
所請知府陳本深言舊有忠節祠奉祀鄉賢
歐陽修周必大楊邦又胡銓江萬里文天祥
比來曠缺祀典乞舉行之上曰褒崇忠節
國家務先從之○怨咨釋揚士竒曰工匠役
于公者十不一二餘皆為所管之人私役致
生怨咨今宜命官云云半放回上曰亟頒
行之○威嚴著宣廟御極十載巡邊閱武者
四焉此胡虜知畏而邊鄙所以不聳也其平
內難芟外夷皆躬履
戎陣如摧枯拉朽然

他若罷陳山內閣之任復檀凱外補之官旌陳

合殺身之節錢黃惟故老之歸拒袁泰指揮之

他若罷陳山內閣之任復檀凱外補之官旌陳

洽殺身之節餞黃淮故老之歸拒袁泰指揮之
請燭臧清誣告之奸宥林碩無妄之罪嘉曹鼎
進學之志察閭羣兒枉盜之冤免李宗侃補軍
之後赦范希正被誣之罪納楊士奇徵行之規
大都獎惜善類儆肅官邪自國初以來綜核名
實無如 帝矣

時陳山以從龍舊位入內閣不厭人望 上
亦察之曰內閣政本之地豈可令斯人溷也
乃併張瑛俱罷之○檀凱為思州府通判九
載當陞其民詣闕言凱撫民豈第乞復其任

從違一
裁之以
至當

上卽令還與正五品俸以優之○陳洽被
交趾執不屈死之上曰大臣以身殉國可
謂忠矣乃贈少保謚節愍○黃淮以謝恩赴
闕辭歸上宴餞之于西苑親洒宸翰製詩
送之○隆慶衛指揮同知袁泰奏本衛指揮
同知李景鎮守居庸關調度有方今缺指揮
使請任景上曰唐中世河北將帥繇軍士
所立此輩猶欲効之耶不從○有囚告顧佐
屢屢枉人重命不聽所理上怒曰此必有
重囚教之命法司鞫之實千戶臧清所使○
按察使林碩被中官裴可力誣奏誹謗上
親問知其虛遂令復任降勅切責可力○代
州署訓導事曹鼎上言臣年少學問未克不
堪爲師表今願就大學讀書上曰此人志
不自滿可嘉也○羣兒義勇衛軍其妻有淫
行羣兒聞欲殺之妻懼誣羣兒爲盜論死○

上聞之曰平人豈可在殺命釋之妻論死○

不自滿可嘉也。○犀兒義勇衛軍其妻有淫
行釋兒聞欲殺之妻懼誣犀兒為盜論死
上聞之曰平人豈可枉殺命釋之妻論死○
楚雄衛李宗侃中卿試而衛猶追捕軍役兵
部尚書請依洪武石堅事例開其軍伍俾讀
書會試自效上曰朕承祖制又何急一卒
之用○范希正知曹縣得民心有奸吏詐取
民財希正執之械送京師吏誣希正以他事
破逮縣民詣通政司訴誣上令復職○
上好微行一夕幸士奇宅士奇叩首曰車駕
今日俯臨明日必有知者自此慎出事變不
測當慮也上納其言不復出○帝褒獎善
行懲戒邪惡太祖歷
至今名實有敘惟帝耳

故元首股肱喜起一堂而樂嘉魚遊西苑從太
液優游逸豫以彰太平之休是以景星合譽亦

勵精之所致也雖張燭內苑似有自滿之意而不可謂非守成令主也然胡后以無罪廢戴綸以無辜死陳祚林長楸以無罪囚棄交南如敝蓀君子不能無惜焉



元首二句尚書舜作歌曰股肱喜哉元首起哉元首君也股肱臣也○嘉魚上召大學士楊士奇等至文華殿特賜鱒魚醇酒并御製詩有樂有嘉魚之句○西苑太液三月張輔等十八人從上遊西苑語許乘馬登山復賜登御舟泛太液池尋賜宴因諭之曰今天下無事雖不流于安逸而政務之暇命卿等至此亦庶幾古遊豫之樂上元節勅賜百

官假十日律各燕飲為樂以彰太平之休當

官假十日俾各燕飲為樂以彰太平之休當時閏八月景星見于天門一次十二月合譽星見于九旂二次皆上勵精求治之驗也元夕張燈內苑上侍皇太后往觀次日勅羣臣往觀有自足之意然亦善守成者矣但冊立孫貴妃為皇后賜胡后號靜慈仙師退居別宮初上為皇太孫戴綸每諫上獵見忤未幾命下綸獄蕃死之御史陳祚馳疏勤上經筵講大學衍義上覽疏怒曰大學不知豈堪作皇帝乎命祚繫獄林長楸亦以諫上繫獄十年交南初英國公張輔三定交趾蠻醜所望而震焉者當時宜遣英國再臨之乃因黎利之表浙請而與之為中國羞

五朝輔臣夏原吉

字雜詰湘陰人洪武庚午鄉薦入太學授戶部主事超陞本部侍郎至少保五朝太祖

建文 成祖

仁宗 宣宗

公巡撫福建所過郡邑考察吏治咨訪民隱公

明寬大人咸悅服 成祖陞戶部尚書蘇松諸

郡大水公往治之水患乃息而撫恤曲當人不

言勞又撫綏饑民散給有方民賴以濟初建北

京採木東南命公督運人人效用

公巡撫福建待官吏公而明待民庶寬而厚 成祖正大統召還欲大用之忌者曰彼建文

用事之臣豈宜置之高位 成祖曰原吉父

成祖正統大統召還徵大用之思者曰彼建文

用事之臣豈宜置之高位
太祖故于建文今豈
不忠于朕哉逾月遂擢尚書先是公至浙西
接視咨訪利害奏言浙西諸郡蘇松最居下
流環以太湖綿亘五百餘里納杭湖宣歙諸
州溪澗之水散注澱山等湖以入三泖頃為
浦港堙塞滙流漲溢傷害禾稼拯治之法要
在浚滌吳淞諸浦港泄其壅遏以入于海
成祖從之于是發浙西兵民十萬餘浚吳淞
南北兩岸安亭等浦引太湖諸水一自嘉定
縣劉家港經入于海一自常熟縣白茅港直
注于江又浚松江府范家丘至南澹浦口上
接大黃浦以達湖泖之水以復禹貢三江入
海之跡水患乃息賑濟饑民人啣再生及營
建北京宮殿財用之費以萬萬計皆仰給于
戶部公晝夜焦勞經營綴葺至于賜賚功臣

賞給士卒封藩置衛
無一缺乏亦爲難矣

六年交趾平

上問公曰陞與賞孰便公對曰

賞費于一時有限陞費于後日無窮多陞不若

重賞 上從之十九年

圖上欲征虜公力諫忤

旨罷官 仁宗嗣位復原職公以母喪辭不允

加少保立東宮加太子太傅賜金章 宣宗嗣

位以舊輔尤倚重公亦孜孜惟謹寵賜日盛明

年扈從巡邊還 上念公春秋高賜勅嘉勞命

簡職務朝夕備顧問旦入謝暮薨

時安南平上計陞賞功臣將士公對意止
陞元功餘皆頒賚足矣十九年成祖以北
虜獲貳命大臣議將親征公奏宜且休養兵
民而嚴勅邊將備禦且糧儲不足以給大軍
未可興師成祖大怒籍其家繫之內官監
仁宗卽位卽日復戶部尚書親臨繫所與
共哭令出視事且咨以時政公首陳東南民
力困于漕運請幸南京以省供億撫流民罷
西洋取寶船止雲南交趾採金銀數事從之
公在繫遭母喪未成服乞賜歸葬終制不允
加少保立東宮加太子少傅賜銀章一其文
曰繩愆糾繆宣宗卽位尤倚重焉賜含弘
貞靜圖書從宣宗御駕巡邊公從而還
上念公年邁不煩以政事止備顧問翌日入

謝夜卽薨
上深痛之

四朝死王事名臣

劉儻

陳洽

儻江陵人與黃子澄同榜為兵部主事
洽武進人洪武中布衣薦兵科給事中

儻兵部主事累陞左侍郎靖難後陞尚書公有

才力縝密勤敏能出奇應變征交趾叅軍有功

還受賞永樂六年趾賊簡定反叅沐晟軍生厥

江被圍卒

公才敏
謹兼以
死生事
故稱兩
難

交趾賊簡定與鄧悉等聚眾作亂借亂紀元

交趾賊簡定與鄧悉等聚眾作亂僭亂紀元
黎賊餘黨多應之勢甚猖獗此豈可犯勢輕
進沐晟率三省之兵討之生厥江之戰其短
于料敵以致敗績然以忠義之氣而不免于
債軍之禍也洪熙贈
太子少傅謚節愍

洽以兵科給事中建文陞文選郎中請難後陞
右侍郎改大理卿討交趾叅軍陞吏部左侍郎
公甄拔才能振以風紀交人悅服還陞兵部尚
書鎮交趾中官馬騏苛歛交人再叛公奮身力
戰被執不屈罵賊死

公叅軍交趾兼給餉賊平陞吏侍郎公黜陟
官吏振肅紀綱交人安堵悅服且當時交人
所懼者張輔善用兵威震殊俗黃福善撫字
惠流蠻裔至二公還朝太監馬騏驎虐黎利
便生叛計王通率官軍往討宜用心謀議駐
師石室以覘其勢乃不聽陳洽之謀麾兵以
進寧橋之役公力戰不支
被執而死贈少保謚節愍

五廟被誣宰輔解縉

公字縉紳吉水人洪武二十一年進士建文
入待詔成祖召入內閣進大學士○公天
性英敏幼能賦詩日記數千言十八舉鄉試
第一連第選庶吉士上封事論時政萬言
上覽之大喜

公自上封事 上覽之喜諸大臣皆忌之 上

數稱竒才公嘗爲王國用草諫書雪韓國公善
長爲詹徽所疾又爲夏長文作劾都御史袁泰
疏泰切齒恨公又時時直言竟坐深文得罪且
不測 上憐公召對便殿慰諭賜鏹曰汝歸且
讀書十年著述冠帶來廷又命公修正元史刪
定禮經凡例公歸家八年靖難後召公與黃淮
備顧問遂命居內閣未幾又召胡廣楊士竒金

幼孜胡儼楊榮陞公侍讀學士七人分直文淵

閣

公密奏封章大抵進人授職濫用財奸邪肆
虐用刑太繁正人倫汰官妓絕釋老杜惑聽
廣學問申旌善表義門尊七廟教民兵舉孝
產禁貪婪用忠良慎生殺數事上見之喜
兵部侍郎沈潛忌公才誣其狎侮胥隸上
不聽反稱公竒才初李善長之獄當時羣臣
皆不敢救惟公代虞部郎中王國用論奏寃
狀辭極剴切竟不行爲吏部尚書詹徽所疾
時都御史袁泰怙勢恣橫諸道御史欲糾之
無敢執筆爲章公爲夏長文作疏揮筆立就
歷詆其姦狀云泰因飲恨公又時時上前
同寅前直言不避衆遂計陪公重罪上前

公才召論之日朕于爾義則君臣恩猶父子

功多衆
忌

公才召諭之曰朕于爾義則君臣恩猶父子
其歸盡心于古人後十年來朝大用爾未晚
也賜之錕帛命修正元史刪註禮記公在家
八年成祖詔舉文學行誼才識之士遂召
公與黃淮備顧問居內閣大見信用凡視朝
命淮與縉立于御榻前左以備顧問上日
御奉天門左室每夕召對至夜分或便殿就
寢賜坐榻前議論政事同列不得與聞未幾
陞公侍讀學士與胡廣楊士竒金幼孜胡儼
楊榮分直文淵閣委任腹心專典機密每旦
百官奏事七人掌之雖學士
王景不得聞漏下數刻始退

永樂初重修高廟實錄充總裁官 上議建儲

公稱世子仁孝天人歸心以孽奪嫡自古致亂

逾年冊世子爲太子進公翰林學士兼左春坊
太學士初議頗洩高煦大恨欲殺公時用兵交
趾公力言不必伐上出公爲廣西參議李至

剛奏公怨望改交趾



公修實錄成共一百八十三卷初成祖與
武臣丘福等議建儲文臣惟金忠餘皆靖難
時殷肱也武臣咸請立高煦謂其扈從功金
忠以爲不可成祖猶預未定遂召解縉預
議縉又言立嫡以長伏曰好聖孫指宣宗
也成祖密以問黃淮淮亦曰長嫡承統萬
世正法復召問尹昌隆昌隆對與淮同成
祖意遂決明年太子冊立公進翰林學士兼

左春坊大學士初公與丘福等所議易儲事

高煦深
心上寬
墮術中
公之數
也

左春坊大學士初公與丘福等所議易儲事
頗洩于外漢王高煦怨公言于上曰藩邸
舊臣無泄者惟縉泄之上怒又上欲征
交趾公謂自古羈縻之國通正朔時賓貢得
其地不可以為郡縣不聽以此二諫得罪遂
出廣西即改交趾李至剛亦素忌公直奏公
怨望故也

永樂九年入奏事南京高煦密疏言公因上

出塞遠觀儲君無人臣禮上怒逮公并王稱

下獄十三年正月卒獄中

時公入奏事適成祖北征見皇太子而歸
成祖還京高煦言公瞰上遠出觀儲君徑

歸無人臣禮 上怒時檢討王偁亦以罪謫
交趾公偕偁趨廣東娛嬉山水且上言請用
數萬人鑿贛江以便往來 上大怒曰爲臣
受事則引而避去乃欲勞民如此併偁俱下
獄獄吏考治索取同謀公不勝楚因書大理
寺丞湯宗宗人府經歷高得賜禮部郎中李
至剛中名李貫贊善王汝玉編修宋紘檢討
蔣驥潘畿蕭引高等遂皆下獄旣而偁得賜
貫汝玉紘引高 遂皆下獄旣而偁得賜
相繼死獄中

五廟被誣得白宰輔黃涖

公字宗豫永加入洪武三十年進士爲中書
舍人官至戶部尚書正統十四年八十三卒

謚文

簡

公初爲侍書改中書舍人入見上訪問政務
稱旨命公與解縉立御榻左備顧問內閣掌制
勅又選胡廣楊士奇金幼孜胡儼與同事直文
淵閣進侍讀上議建儲公曰立嫡以長萬世
正法上是公言立東宮左庶子太孫立兼輔
太孫

時命兼輔導皇長孫論之曰朕長孫天章日
表玉質龍姿孝友英明寬仁大度年未一紀
體具志寧動必中規言必合道好學之篤夙
夜孜孜日誦萬言必領要義朕嘗試之以事

輒能裁次得中斯實宗社之靈上天錫慶篤
生異質以福祐天下卿等其
委任
之意
輔導無負

六年命蹇義金忠西楊及留守
上稱太子仁

厚留汝四人輔太子明年
上北巡又明年征

胡漢庶人日夜謀奪嫡造飛語動搖監國并中

傷公十二年坐公奉表迎
上不敬逮詔獄凡

十年獄中有省愆集自省錄獻陵卽位出獄陞

少保戶部尚書兼職仍舊

公其殆
哉

少保戶部尚書兼職仍舊

時上北巡諭淮等曰居守事重今文臣中
簡留四人輔導監國若唐太宗簡輔監國必
付房玄齡等汝宜識朕意敬恭無怠明年
上親征北虜先是成祖征回以皇太子所
遣使迎車駕緩且書奏失辭怒曰此輔導者
之咎也漢王高煦復潛之遂徵義等既而義
中道宥還淮先至下獄公于獄中著二種
書以自勵仁宗即位召自獄中陞小保戶
部尚兼職仍舊

獻陵大漸太子在南京未至深機卒禍中外
洵西楊及公佐鄭襄二王監國太子至公憂危
嘔血宣德元年漢庶人反公留佐二王監國班

師始還第二年秋公請老 上賜莖父來謝賜

遊西苑比辭又宴太液池明年 聖節復來

上喜賜宴 宣宗崩公奔喪逾月辭歸

時 仁宗崩太子在南京時 宣宗立太子

居南京而漢王高煦反謀益著雖公與西楊

輔襄王鄭王監國候太子至心事急迫至于

嘔血恐禍起不測為之奈何太子歸即帝位

公勸 上親征公留佐二王監國及 上親

征械高煦以歸二年公有疾上疏乞骸骨不

許令歸田養病仍來供職先是公之父性率

賜祭莖以一品禮至是公赴闕謝。 上命公

與英國公張輔及蹇義楊士奇十餘人同遊

西苑賜宴于萬歲之麓比辭又餞之于太液

池親灑宸翰詩送之賜金織衣一襲公歸以

與英國公張輔及蹇義楊士奇十餘人同遊
西苑賜宴于萬歲之麓比辭又餞之于太液
池親灑宸翰詩送之賜金織衣一襲公歸以
御製詩刻之石作奎文亭覆之明年聖誕
入朝上喜賜宴
宣宗崩逾月辭歸

五朝輔臣

金忠

黃福

郭資

忠鄞人靖難兵起以布衣入見言事上悅
福昌邑人鄉貢為清源主簿論大計上悅

忠少慷慨有大志及請難兵起入見具言舉大

事當以人材為急上悅授署紀善日侍帷幄

贊理戎務永樂二年召為兵部尚書儲位未定

上密問公歷數古昔遼孽故事對上喜賜

公大鏹且命以調護佐太子侍監國或譖廷臣
及宮僚過者上令公密察公退數頃首再三
無此事勸太子孝敬友愛小心謹慎無失禮卒
贈少師謚忠襄

忠精于卜靖難師將起召公卜之以大吉告
遂署爲紀善命侍帷幄用其謀策及謀建儲
武臣咸請立高煦謂其扈從功公以爲不可
上卽命訓導太子監國時時勸以起孝敬
篤友愛白人過失全獲者多矢心國事
展其才能不遺人片善不念人舊惡

黃福洪武末龍江左衛經歷上書論國事太

祖超陞工部右侍郎特見信用請難後陞尚書

黃福洪武末龍江左衛經歷上書論國事 太

祖超陞工部右侍郎特見信用請難後陞尚書

宣宗卽位加少保叅贊機務每事先籌定付

襄城伯李隆隆亦敬信公公秉心正大義利介

然天下士大夫咸知其君子斥奸闢諛無所顧

忌憂國忘家老而彌篤



時成祖命工部尚書黃福掌交趾布按二司
事十八年交人愛如父母忌者誣公有異志
成祖曰此君子不容于小人寢其奏念其
久勞于外召還交人扶老携幼送之號泣不
忍別時楊士奇言宣宗卽位當整肅軍政
飭邊防以安內外南京根本之地雖李隆守

通紀直解卷之四

皇明

三

備老成忠直如尚書黃福宜令贊理軍務有事同議而行遂召贊機務公義之所在必赴利之所在不染天下士君子至庸愚百姓無不誦公之處心光明正大忘身殉國之老臣雖柄政者忌福守正不阿而終不能頃之

郭資

字存性武安人洪武十八年進士
卒年七十三贈湯陰伯謚忠襄

公爲庶吉士戶部主事曉練錢穀聲譽頓起陞都御史尚書郁新薦改北平叅政進布政使紀綱大振靖難兵起公獻策防禦已而留侍太子

綱大振靖難兵起公獻策防禦巴而留侍太子

公子轉

餉為國

家大根

本計

居守李景隆攻北平晝夜扞備輯睦兵卒轉給
饋餉盡心瘁力不畏強禦靖難後陞戶部尚書
上曰資朕蕭何也時建北京軍民初安而官司
費冗公以樽節恤下為務 仁宗即位立東宮
以公兼太子賓客陞太子太師 宣宗三年召
公掌戶部事免朝叅雖祁寒暑雨視事不少休
滿考賜宴禮部獎以勅書優厚之如此

公為布政使精勤詳慎憲綱整禦
靖難兵有方及後留侍 仁宗居攝和輯士

卒饋餉充足陞戶部尚書仍掌北平布政司
事上曰資朕簫何也昔漢高祖得蕭何轉
餉關中饋運不絕資為戶部亦然故比蕭何
也免朝叅凡朝臣五漏時輔臣即待漏以候
早朝年老恐不堪匍匐故免朝
公受春三朝屢登八座稱賢相

三朝輔臣

金幼孜

名善字幼孜以字行新淦人建文元年進士
戶科給事中宣德六年卒贈少保謚文靖

靖難後公入內閣陞侍講上春秋直指三卷七
年與楊榮胡廣扈從北京八年從上征虜

上歷指所過山川諭公記之八年陞文淵閣大

年與楊榮胡廣扈從北京八年從上征虜

楊榮為東楊

上歷指所過山川諭公記之八年陞文淵閣大學士兼翰林學士復連歲扈從北征次開平公力請班師上曰善還次榆木川上賓天東

楊南計公留中軍護喪太子即位陞大學士賜

銀圖書

公為侍講時翰林坊局臣日進講解緝閱書楊士奇閱易胡廣閱詩公閱春秋各專泊一經公因上春秋直指三卷七年同楊榮隨駕北京八年隨上征北虜凡過名山大川命公作文以記其事八年陞大學士隨駕親征北胡過應昌次清水源阿魯台遠遁宣宗召

通紀直解卷之四

皇明

三十一

幼孜論曰朕夢神人告朕曰上帝好生如是者再是何祥也豈天屬意茲寇乎幼孜言承天意遣使諭虜教其不臣之罪班師還京駕至榆木川地方上因病作歸天楊榮奉大行仙訃至京師公留軍中護成祖喪仁宗卽位陞公太子少保兼武英殿大學士賜圖書其文曰繩愆糾繆論之曰卿等皆國家大臣祇事先帝二十餘年又事朕子春官練達老成今朕嗣位之初軍國之務重湏卿等協心贊輔凡政事有闕夫或羣臣言之而朕未從或卿等之言朕有不從悉用此印密奏以聞其毋憚于再三言之君臣之間盡誠相與庶幾朝無闕政民無失所而朕與卿等皆不負祖宗付託之重仁宗敬重公情猶父子誼猶師傳云

寧夏屬
陝西延
安府爲
衛

洪熙元年時法司論死罪多寃 上命臨決必
三學士會讞奏公如律例多平反未幾還省母
母卒 宣宗起公服中爲摠裁官修兩朝實錄
明年持節出寧夏冊慶府兩郡王妃還 上封
事從 上巡邊度鷄鳴山曰唐太宗征遼嘗度
此山公對曰太宗尋悔是役以故建憫忠閣至
宣府還公簡易沉默溫裕存容不肯伐善爭名
爲文和平寬綽類其人卒辭請身後之澤尤爲

人所難

時大理奏決重囚仁宗曰人命甚重帝王
以愛人爲德卿等理刑宜贊輔德政罔俾無
辜含冤地下傷天地之和遂命五府六部通
政司六科同三法司于承天門會審特召大
學楊士奇楊榮金幼孜至榻前諭曰比年法
司之濫朕未嘗不知其所擬大逆不道往往
出于羅織煅煉先帝數切戒之故死刑至
四五覆奏而法司畧不留意其爲酷吏而無
愧自今凡審決重囚卿三人同往審決公于
是錄囚覆奏使從輕公修太宗皇帝實錄一
百三十卷寶訓一卷公將疾革榮與士奇問之
十卷寶訓六卷公將疾革榮與士奇問之文
靖惟言受國恩重上無益于朝廷下無益于
生民復請啓身後之澤者文靖正色曰爲子

孫求祿君

子所恥

五朝宰輔三楊

楊榮

楊士奇

楊溥

稱東楊

楊榮字勉仁建安人建文二年進士為翰林編修歷相五朝官至大學士壽七十贈太師

稱西楊

謚文敏楊士奇初名遇以字行泰和人建文初廷臣薦入翰林編纂官靖難後改編修歷相五朝官少師

稱南楊

楊溥字弘濟楚石首人建文二年進士為翰林編修歷相五朝官少保謚文定

楊榮當內難初平危疑未戢內承顧問外酬政

務稽纂文事日無虛晷七年巡邊公及胡廣金

幼孜扈行脫脫不花來歸公至甘肅受降及三
殿定上便宜十二事 上大漸馳告太子至卽
位改元洪熙陞太常卿進太子少傅謹身大學
士又陞工部尚書支三俸明年 仁宗崩公急
迎太子于南京入卽位次年加公少傅 英宗
卽位以宣廟實錄成進少師五年展墓至武林
卒

榮是時漢庶人高煦逆謀已熾中外憂慮公
內承朝廷顧問外酬國家政務區處徑畫無

一 空 隙 成 祖 巡 邊 公 在 二 閣 扈 駕 時 脫 脫

一空隙 成祖巡邊公在三閣扈駕時脫脫
不花求降公至甘肅州受之十九年奉天殿
謹身殿華蓋殿俱火災公上便宜十二事
上納之詔行及 仁宗陞太常卿進太子少
傳大學士工部尚書支三俸公辭尚書一俸
仁宗曰卿等事皇考屢經扈從勤勞多矣
况 皇考賓天遠在塞外賴卿等盡力維持
朕每奉瞻几筵未嘗忘之今與三俸豈為過
多卿等勿辭明年 仁宗崩公急迎太子即
位加公少傅先是宣宗鐵騎出喜峰口擊虜
文臣獨公扈從既還遂加是職 英宗即位
進少師公經畫三帝山陵受顧命運籌設險
折獄理財
大有功焉

士奇以王叔英薦吳府審理副改編修入直文

淵閣陞侍讀 仁宗陞禮部侍郎兼華蓋殿大
學士減山東棗炭十分之五每與李慶呂震不
協 上從公言憐公孤立曲爲調劑 上謂侍
臣曰曩與卿輩繩愆糾謬銀章惟士竒封入五
疏豈朝政無闕生民果安乎諸臣皆謝 宣宗
卽位公首定南北取士法貪指劉觀廉公薦顧
佐上議赦請蠲灾傷田租 上問楊榮富公曰
若論從征知邊將才否塞阨險易及虜情順逆

若論從征知邊將才否塞阨險易及虜情順逆

臣等皆不及 上咲公諫 上微行後果獲二

盜賜金綺 英宗卽位冲年張太后臨朝委任

公公乞屯田以省漕運又乞開經筵簡侍從加

少師卒年八十贈太師謚文貞

士奇以編修旬月間自五品超遷至一品臣
予恩遇至此極矣公新進華蓋入奏事上
望見咲謂蹇義夏原吉曰新華蓋學士來奏
事必有理試共聽之士奇奏言恩詔甫下惜
薪司傳旨賦北京山東棗八十萬斤以供香
炭其數太多民何以堪 仁宗曰吾固知學
士言有理卽命減四十萬一日兵部尚書李
慶言於 仁宗曰今歲北方之民畜馬頗蕃

皆送至京已散軍操用尚餘數十欲散民間
則民甚弊不可重困之今遠近方面朝覲官
皆集請每員給馬一匹今牧之其孽生准民
間無者追賠太僕寺提督考較仁宗令與
蹇義夏原吉議亦從慶言下令行之士奇力
諫不可朝廷以禮徵賢上者授方面郡守次
者授百執事今皆役之畜馬以蘇民是貴民
而賤官矣仁宗曰慶幾誤朕顧士奇曰少
頃卽批出罷北令時兵部已督責朝覲官領
馬者過半矣士奇復奏陛下許臣罷散馬之
令乃復中止如必欲行此令天下懷才抱德
者自此誰肯出仕蓋虧一馬必責賠償破家
廢產累及子孫且所散不及三千而朝廷負
此名于天下此令之失非小仁宗曰吾偶
因事稽緩耳當卽批出午刻仁宗御思善
門召士奇論曰內批豈真忘之初聞汝言卽

遣人觀李慶呂震輩交口忿爾朕念爾孤立

遣人觀李慶呂震輩交口忿爾朕念爾孤立
慮爲衆所傷故不欲因汝言而罷此令今有
名矣出一疏乃陝西按察使陳智言按察司
所以肅庶官貞百度而太僕得臨之歲徵駒
與下民等憲綱掃地矣仁宗曰爾就據此
章勅止散馬士奇叩頭曰古人有言陛下知
臣之不孤矣仁宗繼今令有不便惟密與
朕言李慶輩多不識大體不足語也又曰朕
與諸卿相與出自誠心去年各與繩愆糾謬
圖書切望臣輔惟士奇曾封五章進來義三
人無一言豈朝政果皆無闕生民果皆安乎
三人皆叩首有慚色及宣宗卽位公首定
科舉試卷封南北中卷則北直隸山東河南山
退五名爲中卷北卷則北直隸山東河南山
西陝西中卷則四川廣西雲南貴洲及鳳陽
廬州二府徐滁和三州餘皆南卷一日宣

宗問今日之貪誰最揚榮曰莫甚劉觀士奇
曰風憲所以肅百僚御史效之有司效之矣
宣宗嘆曰除惡務本因問誰可使掌憲者
士奇對曰通政使顧佐廉公有威有風采
上曰顧佐乃能如是數日有旨令劉觀巡閱
河道陞佐右都御史○書宣宗御南齋宮召
士奇諭曰吾欲下一寬恤之令今獨與爾商
之○上曰免災傷稅糧當是首事○上問
揚榮家貲富有士奇對曰榮知邊將識虜情
惟榮耳○公嘗諫微行事變不測當慮後旬
餘錦衣衛擒二盜私候車駕之玉泉寺挾弓
代矢道旁林中作亂時捕盜校尉亦變服如
盜入盜中真盜不疑以其謀告之遂為所獲
宣宗既誅二盜嘆曰士奇言不虛即日厚
賜賚公○英宗幼年即位張太后臨朝公
奏當屯田收米可以克軍少省遣運又奏早

開經筵以進聖學慎擇儒臣及左右侍御之

開經筵以進聖學慎擇儒臣及左右侍御之人
太后深加納時宣宗皇帝實錄成加少
師四年乞致仕
不允壽卒于官

楊溥侍東宮時漢趙二王巧中東宮宮僚多得
罪永樂十二年公與芮善王愷陳壽俱下獄公
在獄讀書不輟洪熙初公以翰林學士掌閣事
上親舉印授之宣宗六年冬坐文華殿三
楊並侍諭以祖宗創業垂統撰述成詩朝夕覽
觀英宗卽位昭皇后垂簾聽政公入內閣

王少國
疑非公
輩不能
勝其任

乞早開經筵涵養本源輔成聖德 昭皇后喜

曰嗣君冲年卿等幸併力同心共安社稷又召

公前曰先帝每念卿忠屢形愁嘆不謂今日

復得見卿公伏地泣下左右皆泣 后顧 上

曰此五臣三朝簡任萬幾宜與五臣共理 上

言軍政卒不動 正統四年 宣宗實錄成進少

保兼武英殿大學士十一年卒謚文定

先是 成祖北征回以太子所遣迎駕緩且
書奏失辭怒曰此輔導之咎也 漢王高煦譖

之逮士高金問命法司輔之金問詞連博等

之逮士奇金問命法司鞠之金尚詞連溥等
下獄溥在獄中讀書不止同難者曰事已如
此讀書何用公曰朝聞道夕死可矣洪熙卽
位起公翰林學士掌閣事時諭溥曰朕用卿
等于左右非止助學問亦欲廣知民情舉印
親授之曰如有建白卽以此封識進來宣
德六年御文華殿榮士奇溥侍左右諭祖宗
積德累善篤生太祖太宗及我皇考創業
垂統是用撰述成詩揭之座上朝夕覽觀勉
圖繼述○英宗卽位臨朝公在內閣疏開
經筵擇講官選宮中左右侍從之人昭皇
后喜慰公等輔相之功謂英國公張輔楊士
奇楊榮楊溥尚書胡濙五臣三朝簡拔信任
之重終太后世王振不敢專權太后歸
天而王振專權無忌矣正統四年宣宗實
錄成進少保兼武英殿大學士十一年公卒

定謚文

通紀直解卷之四

終

浙江圖書館

審辨... 命... 浙... 江... 圖... 書... 館... 浙... 江... 圖... 書... 館... 浙... 江... 圖... 書... 館...



浙江圖書館


浙江圖書館善本

登記號：006936

一九 年 月 日





浙江圖書館



浙江圖書館



浙江圖書館



Centimetres **TIFFEN** Color Control Patches © The Tiffen Company, 2007
Blue Cyan Green Yellow Red Magenta White 3/Color Black